

URDEN DA CHASA

1. *Basa legala:* Il convict da Cuira è in manaschi da l'uffizi per dumondas da la furmazion superiura e sa drizza tenor l'ordinaziun davart las chasas da dimora da las scolas chantunalas (fanadur 2000)
2. *Princip:* Il bainesser da tut ils cunabitants furma la finamira dal manaschi. L'atgna responsabladad e la responsabladad sociala sco er l'utilisaziun cun quità dal mobigliar e dals locals vegnan promovidas.
3. *Decurs dal di:*
- |               |   |
|---------------|---|
| 07.15 e 08.15 | ensolver (facultativ)                               |
| 08.30         | cumenzament dal nettegiament da las stanzas         |
| 12.00 – 12.30 | gentar  |
| 17.45 – 18.30 | tschaina  |
| 21.00         | serrada dals ischs-chasa e da las stanzas da musica |
| 22.00         | ruaus da la notg                                    |
4. *Pasts principals:* La participaziun als pasts principals è lianta. Absenzas èn d'annunziar il pli baud pussaivel a la direcziun. Succeda l'annunzia almain 24 uras avant pon ins empustar in lunch equivalent.
5. *Canera:* Per l'entir di vala ch'il nivel da ramur è da tener, or da resguard sin ils auters abitants, uschè bass sco pussaivel. A partir da las 22.00 vala il ruaus da la notg.
6. *Sortida:* Ils abitants maiorens survegnan permanentamain ina clav-chasa. Ils auters ston emprester ina clav, sch'els van en sortida e turnan pir suenter las 21.00. Als abitants sut 16 onns vegn consegnà ina clav pir suenter avair discutà cun ils geniturs. Immediatamain suenter il return è da bittar en la clav en la terza alzada ed igl è d'inscriver en la glista da sortida. Las clav èn persunalas. Ellas na dastgan betg vegnir emprastadas e na servan er betg per procurar il return d'abitants ch'èn en sortida en il convict.
7. *Pernottaziun ordaiifer:* Ina pernottaziun ordaiifer sto vegnir annunziada sin il pli tard fin las 22.00. Per minorens è ella be pussaivla suenter avair discutà cun ils geniturs.
8. *Fin d'emna:* Il convict è serrà durant las vacanzas da scola sco er sur las fin d'emna. A chaschun da 3-4 occurrenzas da scola per onn dastgan ils abitants pernottar da venderdi sin sonda en lur chombras (nagina alimentaziun). La direcziun dal convict po permetter ulteriuras pernottaziuns sur las fins d'emna per ina taxa che correspunda a las expensas e ch'è tenor la glista da pretschs.
9. *Venderdi:* Il convict è avert fin las 19.00 (nagina tschaina). Avant ch'abandonar la chasa èn las fanestras da serrar (avant las vacanzas er las schalusias), da stizzar las glischs e da stizzar ils apparats electrici.
10. *Dumengia:* Ils abitants s'inscrivan tranter las 18.30 e las 22.30 en la glista sin il terz plaun. Tgi che na turna betg la dumengia en il convict annunzia quai a la persuna da surveglianza (tel. 081 257 18 58) fin las 20.00. Ils abitants che mancan vegnan tschertgads (telefon als geniturs).
11. *Malsogna:* Tgi che sa senta malsaun s'annunzia immediatamain tar il persunal. La notg en cas d'urgenza tel. intern 59 u 55 (telefon sin il terz plaun).
12. *Fimar:* Tar l'annunzia reparta la direcziun dal convict ils abitants en chombras da nunfimaders e da fimaders. Cun excepziun da la stanza da fimar, da la terrassa e da la stiva da fimar (6avel plaun) èsi scumandà en l'entir convict da fimar. Ils abitants che tartagnan ina chombra da nunfimader han da pajar ils custs per las lavurs da pictur e da reparatura da la chombra. La direcziun dal convict resalva il dretg da scumandar da fimar, sch'il rument dals fimaders na vegn betg dismiss a moda ecologicamain gista u

sch'abitants surpassan la zona da nunfimaders. A persunas sut 16 onns èsi be permess da firmar cun il consentiment expressiv dals geniturs.

- 13. Alcohol/drogas:* Igl è scumandà da magasinar e consumar alcohol e drogas sin l'entir areal dal convict.
- 14. Visitaders e visitadras:* Visitadras e visitaders èn bainvegnids en il convict tranter las 09.00 e las 21.00. Ils abitants èn responsabels e fan attents els a l'urden da chasa. Pernottaziuns èn be pussaivlas cun la permissiun da la direcziun dal convict e per ina taxa tenor la glista da pretschs. Ils abitants minorens ch'envidan sco er lur visitadras u visitaders minorenas dovran per ina pernottaziun la permissiun en scrit da lur geniturs.
- 15. Vehichels:* Velos e motos pitschens (max. 125 CC) pon vegnir staziunads en la susta u cunter ina taxa en il tschaler. Avant las vacanzas sto la susta vegnir rumida. I na stattan betg a disposiziun ulteriurs plazz per motos pli gronds ed autos.
- 16. Mobiglias:* Sch'in abitant vul purtar cun sai mobiglias privatas ed apparats custaivels sto el sa cunvegnir cun la direcziun dal convict. Quai vala cunzunt per installaziuns electricas, installaziuns da lingias sco er la montascha d'antennas. Apparats da cuschnar n'èn betg permess.
- 17. Donn:* Tgi che chaschuna donn materials u perda clav ha da pajar ils custs che resultan. In'assicuranza da responsabladad vegn urgentamain recumandada.
- 18. Represchentants da l'alzada:* Sin mintg'alzada è responsabel in abitant per l'observaziun da l'urden da chasa e la comunicaziun tranter la direcziun ed ils abitants. Ils represchentants da l'alzada sa participeschan a las sesidas dal cussegl dals abitants e surpiglian il menturat per ils abitants novs ch'entran.
- 19. Ulteriuras determinaziuns:* En il feagl agiuntà "Zur Organisation des Konviktbetrieibes" po la direcziun dal convict relaschar ulteriuras determinaziuns per adattar l'urden da chasa als basegns e las structurats che sa midan. In ulteriura part integrala da l'urden da chasa è la glista da pretschs.
- 20. Consequenzas:* Tar cuntravenziuns cunter l'urden da chasa sco er cunter las directivas dal personal po la direcziun dal convict decretar mesiras adequatas. Latiers appartegnan: spustament en ina chombra da reserva, admoniziun en scrit, discours culs geniturs e/u direcziun da scola, clamar per lavurs da nettegiament, proposta al departament per l'exclusiun dal convict.

Quest urden da chasa entra en vigur a l'entschatta da l'onn da scola 2002/2003 e remplazza l'urden da chasa dals 25 d'avrigl 2000.

Cuira, matg 2002

Convict Cuira

Departament d'educaziun, cultura e protecziun da l'ambient

J. ed A. Laperre,  
direcziun dal convict

Claudio Lardi,  
cusseglier guvernativ

Abitant: .....

Geniturs: .....

Lieu e data: .....